

虞
初
續
志

虞初續志卷七

小娜嬛山館重校刊

玉瀍鄭澍若醒愚編

朱文學傳

金日升

文學諱祖文字完。天世爲攜李人。祖先應募禦倭功最累。陞都督大將軍。世襲蘇州衛指揮。以廉勇聞。文學幼孤。母劉勵節撫之。備集荼苦。文學長而端方。穎異雅不好武。被服儒行。有古人風。弱冠補博士弟子。痛母志節未揚。不遑寢食。吏部周公順昌初未識文學。會文太史震孟爲孝廉時。與文學習。談其母貞操特詳。吏部聞面憐之。慨然爲白。當

道得類題取旨部牒下郡而文學始知乃爲之感
泣搏顙願爲公死無何吏部忤璫被逮變起倉猝
都人士惶懼不知所爲文學念此行必無全理願
相隨視其後事以圖報慮家人或相勸阻遂不復
歸與吏部同宿公所中夜從容謂吏部曰公灑然
就道良善然事未可知脫有緩急誰可告者吾當
先往爲地吏部首肯良久曰徐銀臺名如陽肝胆
如雪必能相濟顧侍御名宗孟新入臺中意氣不
薄可與計事此外則定與之鹿名善繼吳橋之范
名景文號廣公熱腸急難一言相諾生死不渝皆可告者

文學遂別去先走都下比吏部未至有以滅門事
中吏部者得銀臺力辯而解至橐餕薄鴟之事侍
御已先爲之所矣已而懸賕數千文學私幸旦夕
告完或得議獄緩死百計丐貸都門不足則走定
興定興不足則走吳橋官署單騎閑閑千餘里逗
遛數十日捃摭稍就而吏部已斃獄矣吏部畢命
之日文學夜宿野店有聲魂然精誠相感豈其誣
耶文學微服僻處偵察動靜每一感慟聞者妻側
凡往來津渡出入禁門時遭邏卒徼倖獲免亦危
矣然以身滯長途弗獲視殮有違初心遂至鬱亡

以死彌留之際。猶以吏部後人爲念。嗟乎。文學之所以報吏部者。不已至乎。而總爲一念孝思所激。夫以文學之至性篤行。固足不朽。矧其附青雲之士哉。

鄭醒愚曰。因孝思所激。遂以身殉義。與游俠一流迥別。

人變述畧

失一名

人變者。述姑蘇義民殺校尉之變也。天啟甲子秋。冬間。逆璫擅政。屠毒縉紳。其門有五虎。五彪。五狗。十孩兒。二十小孩兒。四十猴獠。五百義孫之屬。所

讎怨多在江南乙丑六君子逮常熟顧憲副大章
與焉丙寅逮江陰繆宮諭昌期吳江周侍御宗建
俄又逮無錫高中丞攀龍長洲周吏部順昌江陰
李侍御應昇其時傳逮指名者尙有八十餘人緹
騎之至必跼坐府署中檄所司徵逮者逮者至弗
得見列諸械於署前皆耳目所未經如一銅鑄摘
人指立可折其他不可枚舉以是爲號侈索賄賄
滿所欲乃開讀其初至也父老有生而未見之者
蓋神祖實仁五十年如一日以江陵之緝緝紳止
於廷杖然而上氣摧殘已驅成邪媚世界矣况慘

掠煎熬待士於囚虜之下乎。江南旣數見緹騎。以爲常而緹騎亦視江南爲熟遊故道。逮繆宮諭者。得三千金未滿所欲。倉皇遂去。問之曰。急上趕差也。凡此輩出。璫之兒孫及左右皆有賄入。則數十倍利。如市販然。一時皇皇莫必其命。周吏部之逮。在丙寅三月。吏部家故貧。直節亢爽。遇事敢言。初傳有天鑒點將諸錄。蓋逆兒所造。羅列諸正人。斥爲黨。獨未及吏部名。吏部慨然曰。此度遼有不與之恥也。益奮發無所顧忌。廷撫周公起元以爭織造。先削奪歸。吏部爲文送之。所指斥內外甚具。後

毛一鷺繼起元撫吳鷺固二十孩兒之一也。泣任
之日。吏部卽以送起元文送之。鷺恨切齒。遂與李
實構摘。魏給諫逮過吳門。吏部與聯姻事。而吏部
逮矣。時武進有特走武林餽千金於李實。求逮孫
宗伯慎行。鄭庶常鄭者。曾有言孫病劇。鄭已學道
而免。然絲終不免。成又欲殺之。淮上丁卯春。鄭與
文殿撰震孟皆傳逮。意令鷺怖自盡。如丁鞠簡乾
學故事。諸公於鄉里故無嫌怨。直是諸兒孫借以
戲媚俗。所謂送書帕云爾。逮者至蘇。吏部囚服待
御。邑令陳君至曰。公稍了家事。吏部笑曰。使君大

異人意欲聞江陰知縣岑之豹當繆宮諭之逮率
兵快奄捕繆夫人欲一見不可得自稱在五百義
孫隊中此近例也使君何異人意且諦思之吾無
家事可了顧左右曰前有一僧求書菴額此當了
卻因命紙筆大書小雲波三字擲筆笑曰此外更
無一事矣後鄭庶常弔詩曰銀鐙猶勤小雲棲蓋
寶錄也吏部同令君宿縣署緹騎大索金錢數日
猶未開讀士民望吏部顏色如見天人無不灑泣
欲爲請命時陰雨連宵如爲忠義泣至開讀日出
自縣居就逮百姓夾道執香哭聲干雲坵入憲署

諸校尉擁龍亭。緋衣提械。怒目上視。巡撫毛一鷺。拱立左。巡按徐吉拱立右。觀者蜂擁不下數十萬人。三學諸生肅而前。述土民意曰。大人有事地方。詎不知吏部居鄉立朝者。蓋爲請於朝。撫按戰慄。不許一尉厲聲曰。今日事與秀才何。與諸尉各舉械將擊諸生。忽見叢中一人從人肩躍出。拽拳奔堂上。急持尉之提械者。諸尉競捫之人叢中。復有四人繼少一躍登堂。遂與諸尉毆首。一人者卽顏佩韋。餘四人者馬杰。沈陽楊念如。周文元也。五人持問尉。此旨從何出。尉曰。實是魏上公命我來。

於是五人犬呼共擊殺偽旨者。值天雨來。若各以傘履。喧聲震地。堂下萬履齊擲。諸尉伏撫按。脇下曰。爺救我。撫按復趨。匿諸尉後。曰。老先生畢竟是駕上人。遂巡俱卻入署。內士民喧從之一尉。匿梁上。驚墮而入。後詢其黨名。李國柱本非校尉。乃行五百金賄謀與偕來者。也是日開讀。不成禮。撫按具疏奏聞。眾還過姑蘇驛。復遇一尉。蓋往浙逮黃侍御尊素者。騷驛遽需新夫馬。百金五人。復聚殿之。燬其舟之半。五人者謀曰。我輩拚死爲國除害。盡以千畝下武林。殺稅使焚其府。以千畝下崑山。

盡顧秉謙之家然後自囚請死雖寸磔有餘快顏
佩韋曰不可吾儕小人死何足惜江南賢士大夫
尙多使置我輩而反借此傾諸賢是我輩累之也
巡撫聞其言則大喜初逆璫亦無甚怨於諸賢其
兒孫實嗾使之及見撫按疏璫色變召阿曰財賦
盡在江南彼爲吏奈何政府部堂長跪不起久之
曰有兒在乃勒令撫按搜捕渠魁五人者挺身自
投曰渠魁脇從皆我也無波及直向撫按大笑爾
惜吏部死官大人小我爲吏部死百姓小人大撫
按無如之何讞成大辟處決正人顏色不改逆璫

聞之頗銜李實疏爲激變實怖欲死乃命浙撫潘
汝楨請建生祠以自解免相望成風生祠遂徧天
下政府魏廣微顧秉謙馮銓施鳳來張瑞圖輩咸
手撰碑文以爲榮未一年天祚聖明逆璫擢首蘇
州生祠垂成而廢蘇人卽其下葬五人犬銀臺吳
公默題曰五人之墓址甚曠巨碑屹立望之者咸
以爲五人墓道不知皆逆祠舊物也或曰是逆物
五人固不享宜悉仆之或曰碑文作者之名暮夜
毀去過者唾罵其視五人之名坦然墓上或揖之
或拜之者不啻香壤是宜兩存永畱忠義如綫開

富貴場中冷眼先是五八奮義曰江陰李侍御就
逮常州郡城士民聚觀者亦數萬方開讀時有髮
垂肩者十人各挾短棍直呼入憲署殺魏忠賢校
尉士民號呼從之諸尉踉蹌走越牆脫履狀甚狼
狽一賣牋童子十餘歲撫髀曰我恨極矣殺邵江
南許多奸人遂從一肥尉後舉削髮刀嚮其片肉
擲階前狗食之時尉無死者太守曾櫻素惠民撫
之須臾而定故義民之名逸不傳

施曾省先生傳

李來泰

施曾字曾省直隸宣城人父宏猷以理學祀於鄉

學者所稱中明先生也。嘗孝友出天性。四歲時母以肉食奉舅姑。而自淡食。嘗爲祖父母所愛。數令侍食。退而見母食淡。悲痛仆地。移時不能起。其後侍食不舉肉。祖父母知之。每食肉必以餘均母子。曰兒孝無傷兒意也。七歲就外傳。能守家學。通詩易。尤篤志孝經。晨起必焚香拜讀之。語人曰。夫子志在春秋。行在孝經。天經地義不可須臾忘也。規行矩步。見父母色稍拂。則長跪請呵責。色愉乃已。初婚之。又客恤沃以酒。因謝不勝。父以爲忤。客月卅之。卽跪謝罪。客去退而跪於寢門。漏三刻。父引

其子曰。婚姻大禮也。孺子過矣。居父喪。水漿不入口。貧不能葬。朝夕哭。泣。上食三年不離。茹。次既殯。奉木主。寢室事大小告而後行。体孱甚。讀書盡丙夜。母戒止之。後乃候母。褰帷燈默誦。以爲常。循者言。母算盡五十日。夜憂懼。至形噩。夢號呼。嬰起。禱九華山。衷一紙焚之。伏地良久。兩衷皆濡。淚益請減。算益母也。母竟以八十終。弟譽少長十歲。撫摩教誨。不遺餘力。一夕月下共語。忽歎曰。吾兄弟始五人。今存者惟我與爾。願世世爲兄弟。因相抱而泣。聞者感動。譽讀書陽羨。會薦新。與客會食。烹池

魚曰吾弟出門時魚方二寸。今盈尺矣。遂嗚咽廢箸。終身布衣。而衣弟以帛曰。弟名遊在外也。其友愛類如此。會世大父志穆無嗣。誓父捐其田爲義田。歲數不登。族人欲鬻田完逋賦。簪力復之曰。此父志也。志穆所遺四喪三女。悉已力經營之。人稱爲錫類云。卒時年僅三十七。嘗謂所親曰。惟愛而後教行。惟敬而後情至。今人於兄弟升斗不相假。而欲其受教難矣。脫有督責。必且鬩牆弗督。則又秦越同氣也。時以爲名言。

鄭醒愚曰。孩提卽知孝親友悌。非平日深慕篤

多何以能此所以孝悌當預養於童蒙時也若先生者又根於天性矣

王白虹安胡氏小傳

施閏章

禹航王子白虹喪其妻胡氏故娼也逾年而悼不衰哭以詩四章乞余爲傳書數至嘉其微而賢不忍終沒故書之胡名成靜江西萍鄉人生八歲去掠而北長淪樂籍自傷殘辱矢必嫁官人會王孝廉上公車納之從歸王道病且死者再胡晝夜侍湯藥得稍甦抵家調膳數月忠謹如一日胡亦以色見取而米鹽針績事皆身在夫人悉歸以勞鑰

王令興安則署以內事倚之更納新姬無愠色王
遇事多任氣人莫敢言胡獨婉譬以解時節宴飲
則泣不傷少離父母不得問猶畧記其里籍會興
安有業銀者潯人也歸素而得其母至則母子不
相識興安君指示曰若奚疑搯體骨聲貌酷似矣
復奚疑於是相抱大哭留養於官舍王以父艱還
封公以下凡入喪會葬者數百人食飲百費皆經
紀於胡無缺事王泣曰若功過介婦矣然坐是得
勞疾所生女又天不敢慟而心傷旋病死諸姬咸
獲皆哭之哀平是始識王京師則約曰君擢第必

納我王固漫許之胡已沃意爲王婦旣下第遙望
見便失聲前相持哭涕霑兩人衣且曰君不第不
失一官願我不得爲良人婦死且不瞑又大哭王
義而贖之舉債金數百王以姬累而卒賴其助吾
於是如人之貴白振拔也向使姬庸婦不能早次
王爲俠丈夫旣識其人不能於失志時痛自傾倚
王必不納納矣或恃色怙寵不過羣妾畜之久而
變弛必不能見禮重以終也吁乎人可以不自振
拔哉

鄭醴愚曰汧國夫人夔乎不可尙矣如胡氏者

亦可謂善自振拔者矣

崔猛傳

浦松齡

崔猛字勿倫。建昌世家子。性剛毅。幼在望中。詩童
家稍有。所犯輒奮拳毆擊。師屢戒不悛。名字皆先
生所賜也。至十六七。強武絕倫。又能持長竿。躍登
夏屋。喜雪不平。以是鄉人共服之。求訴稟白者盈
階滿室。崔抑強扶弱。不避怨嫌。稍逆之。石杖交加。
支体爲殘。每盛怒。無敢勸者。惟事母孝。母至則解
母譴責。備至。崔唯唯聽命。出門輒忘。比鄰有悍婦。
口虐其姑。姑餓瀕死。子竊啖之。婦知。詬厲萬端。聲

聞四院崔怒。踰垣而過。鼻耳唇舌盡割之。立斃。母聞之大駭。呼鄰子極意溫卹。配以少婢。事乃寢。母憤泣不食。崔懼。跪請投杖。且告以悔。母泣不顧。崔去。周亦與並跪。母乃杖子。而又以針刺其臂。作十字紋。朱塗之。俾勿滅。崔並受之。母乃食。母喜飯。僧道徃徃饜飽之。適一道士在門。崔過之。道士目之。曰。郎君多凶橫之氣。恐難保其令終。積善之家。不宜有此。崔新受母戒。聞之。起敬。曰。某亦自念之。但一見不平。若不自禁。力改之。可免否。道士笑曰。姑勿問。可免。不可免。請先自問。能改。不能改。但當痛。

自抑如有萬分之一。我告君一解死之術。崔生平不信厭禳。但笑不言。道士曰。我固知君不信。但我所言不類巫覡。行之亦盛德。卽其不效。亦不至有所妨。崔請之。乃曰。適門外一後生。宜厚結之。旣犯死罪。此子能活之也。呵崔出。指示其人。蓋趙氏兒名僧哥。趙南昌人以歲祿餽。寓建昌。崔由是深相結。請趙館於其家。供給優厚。僧哥三十二登堂拜母。約爲昆弟。踰歲東作。趙攜家去。音問遂絕。崔母自隣婦死。戒子益切。有赴訴者。輒擯斥之。一日崔母弟卒。從母往弔。途遇數人。繫一男子。呵罵促。

步加以捶扑。觀者塞途。興不得進。崔問之。識崔者競相擁告。先是有巨紳子某。甲者豪橫一鄉。窺李申妻有色。欲奪之道。無由。因命家人誘與博賭。貸以貲而重其息。要使署妻子。參貲盡復給。終夜負債數千。積半年。計子母三十餘千。申不能償。強以多人篡取其妻。申哭諸其門。某怒。拉繫樹上。榜笞刺剝逼立。無悔狀。崔聞之。氣湧如山。鞭馬前向。意將用武。母牽簾而呼曰。惜又欲爾耶。崔乃止。已弔而歸。不語。亦不食。兀坐直視。若有所噴。妻詰之。不答。至夜合衣卧榻上。輾轉達旦。次夜復然。啟戶出。

輒又還卧。如此三四。妻不敢詰。惟惛以聽之。旣而遲久。乃反掩扉熟寢矣。是夜有人殺某甲于牀上。剖腹流腸。甲妻亦裸尸。昧下。言疑申捕治之。橫被殘酷。踝骨皆見。卒無詞。積年餘。不能堪。誣服論辟。會崔母死。旣殯。告妻曰。殺甲者實我也。徒以有老母。故不敢泄。今大事已了。奈何。以一身之罪。殃他人。我將赴有司死耳。妻驚挽之。絕裾而去。自首於庭。官愕然。械送獄。釋申。申不可堅。以自承。官不能決。兩收之。戚屬皆誚讓申。申曰。公子所爲。是我欲爲而不能者也。彼代我爲之。而忍坐視其死乎。今

目卽謂公子未出也可執不與詞固與崔爭久之
衙門皆知其故強出之以崔抵罪濱就決矣會卹
刑官趙部卽案臨囹圄至崔名屏人而喚之崔入
仰視堂上僧母也悲喜實訴趙徘徊良久仍令下
獄囑獄卒善視之尋以自首減罪充雲南軍中爲
服役而去未期年援赦而歸皆趙力也旣歸由終
從不去代爲紀理生業予之貲不受綠幢技擊之
術頗以關懷崔厚遇之買婦授田焉崔由此力改
前行每撫臂士刺痕泫然流涕以故鄉鄰有鬪申
輒矯命排解不徇承稟有王監生者家豪富四方

無賴不仁之輩出入其門邑中殷實者多被劫掠或廷之輒遣盜殺諸途子亦注暴王有寡婦父子俱悉之妻仇氏屢沮王王稔殺之仇兄弟質諸官王賊囑以告者坐誣兄弟寃憤莫伸詣崔求訴申絕之使去過數日客至適無僕使申淪落申點而出告人曰我與崔猛朋友耳從徙萬里不可謂不至矣曾無廩給而役同廝養所不甘也遂忿而去或以告崔崔訝其改節而亦未之奇也申忽訟於公堂謂崔三年不給傭價崔大異之親與口對狀申忿相爭官不直之責逐而去又數日申忽夜入

王家將其父子燔婦並殺之粘紙於壁自書姓名
及追捕之則亡命無跡王家疑崔主使官不信崔
始悟前此之訟益恐殺人之累已也關行附近州
邑追捕甚急會關賊犯順其事遂寢無何明鼎革
申攜家歸復與崔善如初時土寇嘯聚王有從子
得仁集叔所招無賴據山爲盜焚掠村疇一夜傾
巢而至以復讎爲名崔適他出申破罪始覺越牆
伏暗中賊搜崔不得攜崔妻括財物而去申歸止
有一僕忿急不能爲地乃斷繩數十段以短者付
僕長者自懷之囑僕越城巢登山以火焚繩散

桂諸荆棘卽返勿顧僕諾而去申覘賊皆腰束紅帶捐繫紅絹遂倣其裝育老牝馬初生駒賊棄諸門外申乃縛駒跨馬銜枚而出直至賊穴賊據一大村申繫馬村外踰垣入見賊眾紛紜操戈未憚申竊問諸賊知崔妻在玉某所俄聞傳令俾各休息轟然駭應忽一人報東山有火眾賊共望之初猶一二點已而多類星宿申全息急呼東營有警王大驚束裝率眾而出申乘間漏出其後反身入內見兩賊守帳給之曰王將軍遺佩刀兩賊競覓申自後斫之一賊踣某一回顧申又斬之竟負崔

妻越垣而出解馬授營日娘子不知途從馬可也
馬戀駒奔駛申從之出一隘口申灼火於繩偏懸
之乃歸次日崔還以爲大辱形神跳踈欲單騎往
平賊申諫止之集村人而謀之眾惟怯莫敢應解
諭再四得敢往二十餘人又苦無兵適於得仁族
姓家獲奸細二崔欲殺之申不可命二十八各持
白挺吳列於前乃割其耳而縱之眾怒曰此等兵
賊方懼賊知而反示之脫其傾隊而來闔村不保
矣申曰吾正欲其來也執匿盜者誅之遣人四
各側弓矢火銃又諧邑借巨砲三日暮率壯士至

隘口置砲當其衝使二人舉火而伏囑見賊乃發
又至谷口東伐樹置枿上已而與寇各率十餘人
分岸伏之一更向盡遥聞馬嘶暗覘之賊果大至
縱屬不絕你盡入谷乃推墮樹木以斷歸途俄而
砲發喧騰號斗之聲震動山谷賊驟退自相踐踏
至東口不得出集無隙民兩崑銳矢夾攻勢如風
雨斷頭折足者枕藉溝中遺二十餘人長跪乞命
乃遣人縶送以歸乘勝直抵其巢守崑有聞風奔
竄搜其輜重而還崔大喜問其設火之謀曰設火
於東恐其西追也短欲其速盡恐偵知其無人也

已而設於谷口。口甚隘。一夫可以斷之。彼卽進來。見火必懼。皆一時犯險之下策也。取賊輜之果。追入谷。見火驚退。二十餘賊盡剗剗而放之。由此威聲大震。遠近避亂者從之如市。得上團三百餘人。各處強寇無敢犯。一方賴之以安。

吳史氏曰。快牛必能破車。嗇之謂哉。志意忼慨。蓋鮮儻矣。然欲使天下無不平之事。寧非意過其通者與。李申一介細民。遂能濟美。緣幢飛入。翦禽獸於深閭。斷路夾攻。蕩么麼於隘谷。使得假五丈之旗。爲國効命。鳥在不南面而王哉。

張麗人傳

鉅琇

麗人姓張氏其母吳倡也以善歌轉籍入粵生麗人體貌瑩潔性質明慧幼即能詠歌曲尤好詩詞每吟唐人銅雀春深之句自名二喬客或語二喬雙稱也不如呼爲小喬麗人應聲曰兼金雙璧各有相當因笑指鏡中影曰此亦一喬也於是二喬之名艷稱於時麗人稍大其母將擇伶之美者贅焉仙城豪貴謀爲落籍有以三斛珠挑之者麗人堅不爲動長歎辭曰我母愛我不可麗離且已委身字人璚粉可汚燕巢在不可勝於入他人手

吼獅換馬。又隨風漂。伯哉年甫及笄。麗人隨請伶
於村墟。賓神作劇。夜宿水二王廟。夢王刻期聘之。
爲妃。醒以語其母。泣然。淚下拍板而欲羅。郎比紅
諸曲宛轉。悲愴及期。無疾而逝。粵人黎周回謠其
墓曰。嗟乎。予知麗人。故不屈於勢者。王何由致之。
豈洛水淩波。乃符銅雀之讖耶。若夫粉黛何假。美
人何真。艷色等空春。花易謝。後之過者。知爲麗人
理。杳處明月。爲鏡。清風引簫。好鳥和歌。蛺蝶自舞。
徘徊其間。倘有霧鬢風髻。一唱三歎者出焉。能不
爲傳書之柳毅乎。

自序

陳祖范

予。以康熙丙辰年五月二十日生。妣許。隰人。先產二男。殤。女兄二。予行三。王母韓。曾王母范。府君切顧本之思。各予祖范。字亦韓。自字曰見復。生九歲。府君孀。往婁門寒碧家塾。十二歲。孺人棄世。隨侍出外。率間歲一歸省王父。自爲經義。所親炙者。郭述堂。嚴思菴。韓宗伯。學不純師。粗得端緒而已。十九。襁室孫氏。廿一歲。子盤生。廿三。補弟子員。廿四。生澹。廿七。食廩。是年。喪妻。繼娶朱氏。時予三十歲。三十以上。零丁寒苦。枵腹而束手。鄉里之所笑憫。

也。朱氏性行與予協。較明敏。賴其助。開門接徒。徒益集。府君年高。修脯足以養心。安之日。課之隙。謂寢舍侍眠食。老人時扶杖過書塾。婆娑庭樹間。爲後生小子論居心治身之道。人倫日用之方。諄諄忘倦。曰。汝先生徒教人作時文。噫。未也。三十七歲。府君棄世。數年中。完筮。燹婚。至四十八。遇改元恩。利。夏舉於鄉。秋貢於禮部。鄉光達有欲翼而起之者。足忽舉。不與殿。誠遂歸。明年爲甲辰。正科。私自揣念。年力內衰。才智無有。當途豈須一我。而必支離蝨其間哉。本無溫飽之心。徒自勞苦。奚爲者。州

休矣。勸行者苦口。大都謂浮圖將舍尖乏。毋已。傍岸豈有止理。予曰。及今尙可止。過此則義不當止。勢又不得自止。旣已拒外論。堅持已意。於是傲塵華。滙之濱。混跡耕漁。新舊生徒。爨糧相從。吟社諸老。翁月一讌。集間有良朋。自遠而至。如李介軒。備六雅。沈歸愚。張天屏。釋借山。輩延緣輩。間相送柴門。殊有伊人宛在之致。久之。昭文令勞尊三邀爲新志尋。而制府尹公聘修通志。辛亥秋。舍江村。往省。曾自此形跡。又在隱見間矣。雍正十年。天下開設舊院。當事謬採虛聲。連有山長之招。或辭焉。或

就焉辭者雲南五華廣東端溪江寧鍾山就者蘇
之紫陽徐之雲龍安慶之敬數揚州之安定在紫
陽前後三年雲龍一年敬數安定皆一年有半強
而後往終歲便辭辭不獲已再往旋託故舍去所
以然者士習難醇所道難立大懼上負

詔旨下貽物議也以此席有似宋時祠祿仕而不
遂者處焉吾不求仕而久與其列爲汗顏耳六十
一歲繼王亡後有妾生子三安祉增生平於世務
執而無一曉詩文辭翰粗曉而未工大抵矜慎持
擇之意勝而適時便口則不足局於才偏於性也

其爲人也於道無萬分之合而鄙情侯志廢幾前
除一二焉今七十加三卽旦暮入地不爲無年卽
復得幾年不過爾爾閒中追憶筆而存之

口技記

東軒主人

揚州郭貓兒善口技其子精戲術揚之當事縉紳
無不愛近之庚申余在揚州一女挾貓兒同至寓
比晚酒酣郭起請奏蒲技於席右設圍屏不置燈
燭郭坐屏後主客靜聽久之無聲俄聞二人途中
相過揖敘寒暄其聲一老一少老者拉少者至家
飲酒投瓊藏鉤傳極欵洽少者以醉辭老者復力

勸數甌送踉蹌出門彼此謝別主人閉門少者屢
聲蹣跚約可二里許醉仆於塗忽有一人過而蹙
之扶起乃其相識也遂掖之至家而街柵已閉遂
呼司柵者一大吠頃之數犬羣吠又頃益多犬
之老者小者遠者近者哮者同聲而吠一一可辨
久之司柵者出啟柵無何至醉者之家則又誤仆
江西人之門驚起知其誤也則江西鄉音詈之羣
犬又數吠比至則其妻應聲出送者鄭重而別妻
扶之登床醉者索茶妻烹茶至則已大酣鼻息如
雷矣妻遂詈其夫唧唧不休頃之妻亦熟寢兩人

雞聲如出二口。忽聞夜半牛鳴矣。夫起大吐。呼妻索茶。妻作藝語。夫復睡。妻起。便旋納履。則夫已吐穢。其中妻怒罵久之。遂易履而起。此時羣雞亂鳴。其聲之種種各別。亦如犬吠也。少之其父來呼其子曰。天將明。可以宰猪矣。始知其爲屠門也。其子起至猪圈中。飼猪則聞羣猪爭食聲。噉食聲。其父燒湯聲。進火傾水聲。其子遂縛一猪。猪被縛聲。磨刀聲。殺猪聲。猪被殺聲。出血聲。燂剝聲。壓蹙不爽也。父謂子天已明。可賣矣。聞街上案聲。卽詣有賣賣數錢聲。有買猪首者。有買腹臍者。有買肉者。正

在紛紛爭鬪不已。書然一聲。四座俱寂。
鄭醒思曰。技至此。神乎技矣。仕奏者窮形盡相。
幾于萬竅皆鳴。而作記者亦復墨舞筆飛。不啻
雙管齊下。妓也。而進于道矣。三子斯記亦云然。

予初將言先有各一

因法其技示此小

善人如牙雖久不

月之

廣初續志卷七終

玉瀝鄭樹若撰

周君訥齋傳

楊元幹

周君諱靖字枚寧號訥齋忠介公之冢孫而芸齋先生之子也弱冠通六書之學既長博極羣書經籍史蔚爲儒宗時任太史琬以文名互當世與君居密邇嘗招至其家辨析疑義君因摘其橐中訛謬聲音事實厥有數端兼以書相往復太史亦心折焉語人曰此吾之益友也君生有至性孝友篤誠恪守前人遺訓其事芸齋先生也色養備至

先生於杖國之年詔君而命之曰吾自先人罹難
以來以一身督理家政險阻艱難備嘗之矣今老
矣政將及汝汝其勉諸吾不復與聞矣君長跪受
命先生於是益從容內養樂其餘年回思昔日拜
疏訟寃之時嘔心瀝血不啻如隔世焉嗚乎非有
克家之子能盡厥職而能若是乎哉自古修正史
者名臣子弟例得附書魏璫之難若魏孝烈先生
學伊痛父而亡以及忠介之後刺血鳴冤如芸齋
先生者皆當大書特書以光國史者也芸齋卽世
君哀毀盡禮既除喪乃慨然曰國有史家有狀實

相表裏吾家世忠孝豈可令傳聞異辭或失其實
致有遺憾乎於是策蹇入都臚陳始末上諸史館
忠介之忠固已光昭日月而芸齋先生克繼前徽
矢其初志爲遺民宿老者五十餘年而終得附書
於明史皆君孝思之誠之所致也君嘗執贄當湖
陸公稼書之門稼書講性命之學得閩洛正傳君
服習其教爲人室弟子涵養德性澹於榮利遂棄
舉子業絕意進取葺數椽於忠介塋旁蒔花栽竹
嘯咏其中有終焉之志然其遇大事持大議輒義
形於色如訟言唐碑有墓之非真爭湯祠配食之

不與皆侃侃鑿鑿不少遜避人。以是畏其鯁直而服其持正也。性樂善好施。朱孝介先生次子鏊。以貧死久不克塋。君百計圖。惟以助之。乃始獲歸土焉。族之孤寡。酌其輕重而資其薪水。以至戒殺放生。皆出乎心之至誠。初非好奇而祈福也。子二人。同鳳來曰鷺。翔成訓之以義方。申之以勤儉。匪若俗之教子。德孜孜以名利爲心也。君宅芸齋先生憂恪遵古制。堅不苟葺。遂有河魚之疾。繼遵母陳太君喪。則疾愈劇。對人常忽忽若有失。卒用是不起。所著書有經史隨筆十二卷。雜錄五卷。詩八卷。

而參詳考異一書識者以爲尤可傳云

楊易亨曰予素心之交不及數人訥齋其一也徐子侯齋之歿託孤於予其塋也南枝稼堂共襄厥事而竭力經營爲將伯之呼以輔予之不逮者則訥齋之力居多焉豈非其風烈固殊乎惜哉斯人不可作矣

雜記

高士奇

直大內見三異物焉一小金合大寸有六分內貯雕刻牙器百種如凡榻丹車盤匣筆研投壺棊局弦管升斗簪子之屬具體而微不受乎指用金銀

鉗而觀之其一鑊象爲球周身百孔凡九層亦有
七層五層者以金替自孔中撥之圓轉活動層層
相似又皆刮磨光澤中藏骰子一枚丹碧粲然其
外潔白無縫非有湊合粘連之迹名鬼工球其一
酒杯二十有四由大及小如窰堦波高二寸許鋤
木爲之質黃色有木理蒲如紙柔軟而輕噓氣輒
可飛動然能注酒三者精巧絕倫雖有離婁公輸
或亦不能施其心目不知當時何以揅剔而成守
者曰此自外國航海來貢云皆鬼工所作藏之後
爲異寶今

天子曉御宮門與閣部大臣議政務退而問視
兩宮暇則與諸侍臣講論道德仁義日研究乎經
史舉凡奇技淫巧之物不一寓目嘗有以是言者
取觀之以爲瑣屑無當於用遂棄而置之別所不
然先生烏得而見之余曰大哉

聖謨洋洋也書有之不役耳目百度惟貞又曰不
作無益害有益功乃成不貴異物賤用物民乃足
古者聖王臨治區寓遠近之人非服食器用不敢
以獻今此三者足稱異物然皆無益於用使寶而
藏之天下將必有窺

朝廷之嗜好競以奇技進者
天子有鑒於書之所言棄而不取也

畫壁自序

范承謨

承謨逢頭垢面繫頭攀手逢

萬壽聖節者三丙辰三月丁八日肅誠向

闕拜舞深愧忝生聖世不克振拔淪爲誤

國肅臣辱親敗子乘末灰餘燼志梗概於壁俾後

之見者知余不肖不才所遭不幸也邇余生而庸

弱先太傅督訓嚴切冀有成立幸卯春

世祖章皇帝以元勳子選充侍衛復以年方幼稚

免入直扈從令在家讀書大慶詔入班行禮是年詔入旗滿漢子弟有文學者與漢人一體鄉會試余得登賢書明年壬辰成進士選庶吉士甲午解館授侍讀學士余病懶性成常經月不至翰館而陞轉之堦反越常矣嗚呼

先皇帝之恩何以報稱耶迨

先帝龍馭上賓余浮沉班末年餘循資陞學士時伯兄充浙東援勦統兵官先太傅左右侍養無人余復以多病恐曠廢職業力求解任辭至家始傳請歷三載廷議撤援勦諸路兵馬伯兄歸京師

丙午孟陬望日闔族集東臯習射飲酒時方年子弟舉賦詩屬對是日先太傅顧而樂之因謂采兄弟曰吾家世受國恩爾等乘年富力強宜速補官爲國家効力中外勿以予老爲念申諭再三不意金兄弟罪孽深重先太傅於是年八月初二日棄不肖輩長逝服闋補秘書院學士先是先太傅在日

皇帝尚冲齡一日余與同官進內請

寶

上詢曰爾誰氏子爾父何官今在否年幾何余悉

具先太傳始末以對。

上喜曰。爾若子耶。如此者數回後值

朝賀。期先太傳入賀。

上指問左右而不名。但曰。此非某官乎。且稱說

祖宗朝往事甚詳。左右皆驚爲異。數余解任後代

余者同衆入內。

上問曰。此爲誰。范承謨何久不見。閣臣曰。承謨病

解任矣。此其代者。

上曰。果病耶。劇耶。病愈尙起用耶。對曰。病須調理。

一痊卽補。

上領之者再先太傅聞

宸注如此感激益深因追憶昔年

太宗

世祖舊恩輒向北流涕不止故亟圖報稱之語時
加訓督次年

上親御萬幾余與同輩日侍左右至冬巡撫浙江
缺人廷推及余

上色喜諭曰浙江東南要地國計民生悉委爾矣
可善爲之余受

命惶陳自顧竊鉅膺茲繁要晝夜拮据寢食不遑

而德薄才微政多闕誤以致上千天和旱潦頻仍
蟲疫叠降二三年間僕僕山陬水涘勘荒拯災詣
闕請賑改折免徵心勞形憊幸

聖天子愛民如保凡爲民請命之疏雖部
格不行

上必駁令再議或徑批如所請行嗚呼不才如謨
何幸有此遭遇也久之事益繁食日減舊疴新疾
交攻孱體不得已以病告

上懷念微勞准馳驛回京調理維時內而科道外
而將軍總督提鎮巡鹽御史及兵民商賈具疏叩

闕境留者。曰相繼始猶軫恤。病臣未卽報允。後乃允提臣請復留。浙年餘。余力疾視事。不敢少懈。會閩督需人。時余以他過。鑄級例不准列。

上特簡往任。壬子十二月二十五日接邸報。是日忽感氣逆之症。攻衝五內。猝病陡險。雖極力調治。時減時發。遂力辭。

新命未蒙

俞允因請。陛見欲面陳病狀。

上允之。入都時卽賜

召對。首詢江浙民生疾苦。暨經由諸處光景。余悉

條奏無隱。次卽俯問病勢。何似。獎勞備至。親遣御醫就全。珍視賜秘府之方。頒上方之藥。洵無虛日。未幾。以薦舉人才一案。致詿吏議。具疏認罪。靜聽處分。兼值舉行察典。內外官三品以上。例令自陳。余因其以病告。期得罷免。藏拙邱園。及

命下。仍令速赴新任。

御醫回奏。又云。療疾稍痊。可以理事。余感激主知。不加斥逐。任用彌篤。尙安敢辭。海疆之險。倫衽席之安也。 陛辭日。

上曰。閩海氛未靖。地方困苦已極。爲天下第一煩。

劇要地卿廉能素著亦爲天下最故特倚任仍賜御衣帽

上廐良馬鞍轡迴異常數復命近侍就

廷前宣

諭曰此朕時刻所御之服解以衣爾如見朕也次日入謝賜宴畢面辭就道間關萬里堂上牽衣許國以身不遑將母而戀戀君親之心從此與道路俱長次行至山東界宿羊留店爲折臂三公故里其夜賜驢忽殂余嘆息良久知馳驅天末終無功也及踰浙抵仙霞関一望層巒疊嶂瘴霧

迷漫險灘怪石奔流急湍中藏猛虎毒蛇培矛礪
爪擇人而噬以故村落荒涼城郭破碎崎嶇甚於
蜀道變幻疑於鬼窟履任後諏訪情勢檢閱籍冊
不覺失聲大呼曰閩疆之敗壞一至此耶大計軍
政所以勸懲文武此省豈無廉能循吏知勇干城
而使之淪落一官淹蹇萬狀廉吏勇將之心不堪
問矣黜幽糾慝么麼充數而貪酷悍婪曰惟苞苴
是營安享富貴是執柄者與敗檢者之心不堪問
矣學校考取人才干請鬻賄而寒窻之彥百無一
聞是奇才異能之心不堪問矣沿海苦兵火者二

十餘年。有司加耗重徵。敲骨吸髓。而蠲免之實惠。不沾蠹役之魚肉。彌甚。是父老子弟之心。不堪問矣。兵卒荷戈守山戍海。負隅則有虎豹。窺伺則有鯨鯢。藉其死力以爭此土。而糧餉欠至半年。庫銀缺額百餘萬。呼庚呼癸之兵心。更不堪問矣。嗚呼。海天半壁。危如一綫。雖智若良平。勇如賁舍。亦難展足。指手而況蕭牆之禍。已釀於撤藩哉。癸丑冬。部臣入境。奉

旨。藩下左右兩鎮。歸地方官管轄。余與撫臣劉秉政。提臣王進功。密議欲量發一二營分防他處。更

勿迫其行。庶不至人心驚惶。進功始應之。而中撓焉。必圖盡遺。以孤其勢。余侯密詔之曰。此非孤其勢也。適迫渙散之重心。驅之附彼也。失計非小。須稍緩二三月。候浙江協餉至。補給舊欠。月餉再預發。兩三月。銀米安家。然後令彼前往。則途次庶無騷擾。成所庶無他虞。急之恐倉卒生變。進功雖意折。仍私自調撥。屢催赴周。及擇斯報明。發餉起倒。無何。果人心洶洶矣。俄而滇逆蠢動。風聞煽惑。能言沸興。及停止。遷移之差。員賁。命星至。命精忠復綰兵符。因得借口操練兵馬。整頓器械。從前防

撥之形迹催行之舉動豈不徒滋疑貳乎身爲邊疆大帥久歷戎行百不察時事不揆人心事未至則剛悻偏執事一至旣倉皇失度尔可哀也已至撫遇爲全省大吏責任非輕會議之時略無可否竟若置身周外者不更可嗤耶余不幸不得同心協力公忠爲國之寮采而罹于禍宜也然予亦不因詩艱勢蹙輒敢廢弛政事而不急急收拾人心以爲補苴可也故自蒞任來條奏諸疏請遠展界者安民也請撥現在協餉者安兵也請將綠旗官兵裁去原額補足者實營伍也請免緝投誠逃在

許接到宥罪安插本處者。清山。販海逆也。題補城
守副將。詔海勞弁者。敘功苦而邀不次令之感激。
報効也。報巡歷邊海一帶形勢。啟行日期者。爲欲
置身外郎。以備調禦防範也。再如頒刊示而淮探
捕者。活溝瘠也。就彌盜而聯沂甲者。儲鄉勇也。寬
林簡修而招無服者。一安投誠。一散島眾也。延深
燧董生等。因時見機者。撫海逆也。五或假以時日
獲奉

俞旨。諸事就緒。銳鋒一挫。閩勢自孤。而逆謀自戢。
天平。天平何竟使余爲誤。國庸思辱親。駁子平。

當逆居喪卧病時余每親至弔慰乘閒輒諷諭以大義冀感動其心余容稽子留山竊慮之常相告曰昔魏文貞有言曰寧爲良臣毋爲忠臣又語云神龍見尾不見首公其慎之舊弁王天祐等亦踴進曰連日之會輕陷不測左右多戒心公獨談笑自若竊窺撫是二公中懷巨測不可與語余俱應之曰誠然余非昧於此也然以孤危之身處艱難之際當疑忌之秋唯示之以誠使小人無能乘其隙稍以緩彼之謀圖濟我事至於死生禍福誠不暇計旣委身事主父母之身卽君之身而云君憂

臣辱君辱臣死且予非不知徒死無益但時事如此百無一備同城共處彛動牽制上下左右皆彼腹心雖日日閉門築壘其能免耶皆嘆息而退督標兵馬向稱精銳聞自李公去世漸次頽靡及余來點閱狼狽不堪名其實亡閩安鎮爲閩省門戶履任三月餘未遑巡視後見羣情稍安欲量帶數十名兵弁往視形勢而該營將佐方以帳房什物弓箭器械朽壞未整爲辭逆卽隨遣官來言曰邇日民心稍安謠言稍息恐公遠出又復搖動少頃撫軍亦來力阻且爲相約曰某在此久頗能得彼

秘密有所聞卽來告共圖報効。朝廷斷不能誤。乃公事余曰。閩安之行。不過一視海口。非久期長。性旣諸公止。予不行亦可。靖藩祖孫父子叔姪兄弟世受。

天家非常寵遇。量無他志。若公忠孝自矢。肯以朝廷之心爲心。社稷蒼生之福也。語竟。心輒鬱鬱。退而不能釋。復一客進曰。公旣不得看海。何不因滇寇震楚。以設備鄰。封爲辭潛出省。令阨據上流。亦一策也。予曰。計過矣。楚於閩相去遼闊。間隔西江。風馬十不相及。毋論輕舉貽笑目。啟釁端禍。

不可解不見閩安未果之行乎。所攜兵弁爲數有限。尙以諸件未備爲辭。今往據上流。誰與爲徒。錢糧軍伍城池人心一無可恃。今卽不量多寡。率爾前往。或據延平。或據建寧。誓死以圖一濟。但彼逆愈雖久。逆形未著。尙或疑我據地。欲陰謀之。激變軍心。訛傳京師風聞者。糾彈於前。按罪者。背繩於後。旣冒輕出。失守之名。兼招激變。殞滅之禍。身名俱喪。恥莫甚焉。余不爲也。三月十五日甲寅。天初明。逆遣員詣署。跪請曰。王守制數月。未親軍務。今海艘遊蕩。乘滇南多故。萌窺伺心。訛言愈興。衆情

愈惑今新奉固守地方。勅命不敢以私心廢公事。願與諸公會商。爲護內防外之策。因喪服未釋。不便就教。敬遣下員促駕。未幾撫軍來約同往。詢以所商何事。近有何消息。但支飾他語。雖心竊疑之。乃故坦然共轡。以示無懼。是日愁雲漫漫。冷霧漠漠。太陽慘淡。無光色。入逆邸中。覺廊廡殺氣。不可以目。予知旣陷虎口。勢無退理。挺身而前。仰天大罵。賊眾兵刃環臨。重加束縛。時一二狼卒有誤持劉臂者。逆黨馬九至。急叱曰。不干巡撫事。秉政但俛首無言。兩頰微紅而已。遂巡間。郎揮之去。伊

惶恐糾趨而出。嗚呼痛哉。君親倫理滅絕盡已。余噴血切齒。醜言痛詆。欲激怒以速吾死。度幾上酬主德。下報親恩。乃大罵。一日夜求死不得。又欲不食死。逆每羅列飲食。予斥揮之。舌敝唇裂。齧肉俱腐。罵至第八日。氣雖漸微。聲雖漸細。聞者猶狼藉塞耳。瞋目怒視。又恐余自死。環守不懈。余身層層縲紲。肢體拘攣。不能動作。惟一息尙存。罵聲不已。不意延至第九日十日。而精神頓復。氣之微者漸壯。聲之細者漸宏。側耳其旁者。不以爲恨。而反以爲奇。嗚呼痛哉。豈余當死於刀鋸鼎鑊。而不當死

於○餓○哉○豈○予○罪○深○孽○重○不○能○爲○
致○震○驚○堂○陛○毒○禍○生○靈○當○死○于○
之○時○神○魂○恍○惚○常○見○
朝廷守疆土以
國法哉當此

先皇帝儼然臨於其上先太傅儼然臨於其旁卽
遠而

太宗皇帝先高祖之司馬余幼所未經身事者亦
親承音容笑貌於夢寐之間慈誨殷勤嘉言慰諭
豈余思念所聚結而爲形哉
天錫神聖默恤余之堅貞憔悴哉約計七百餘日
之中著舊日衣帽時歷寒暑從未更換蟣蠹蚊蠅

恣其攢墜蓬垢疾病任其纏綿粥食半盃便可終
日逆雖時遣問訊而惡語更加後亦不敢屢至防
守者見余刻刻覓死百折不回感動於中多方慰
解且爲余言從前惟難時署中賓客親友及家人
輩俱一一被執凌逼勘訊桎梏窘辱艱難慘切之
狀幸皆忠義自勵視死如歸不爲稍挫而二三婦
女婢僕之類又能從容盡義夫婦女子相繼投繯
嗚呼痛哉聞之又武大僚平日建高牙擁大纛亦
云極一時之赫奕矣而望塵稽顙蒙面圖官保妻
子而活軀命者如雲屯霧匝獨余賓客戚友身未

邀一命之榮。日未占升斗之祿。感予區區之意。尙能念君父重名節。以身殉孤臣。卽健兒奔走之徒。巾幘臧獲之細。皆知寸心不二。臨難不移。聞者得無稍愧乎。余以識闇。討疏波累貽禍。萬死其何恤焉。余居重垣。迴壁中罵未已。繼之以詩文。左右不敢具筆硯。乃燒桴存煤。畫字牆上。其譏刺太毒者。左右旋卽塗去。前後僅存若干篇。并爲文以序大畧。俾見者知不肖不才所遭不幸。得死不易云。螺山髡翁炭筆識壁。

鄭醒愚曰。洋洋數百言。寫出驚天動地心迹。此

文貞公實錄豈第有光家乘耶

沈華陽傳

失名

公諱雲祚字子俊號岱來南直隸太倉州人崇禎
丙子舉於鄉庚辰成進士授華陽令時羣寇縱橫
久海內糜爛逆賊張獻忠屢出沒於楚蜀之交所
在殘破揭竿而起者浸不可制公初釋褐萬里單
舸溯江疏摩賊壘遠令巖邑慨然有保障全蜀之
志壬午四月甫視事卽以計擒誅狡賊秦纘勳等
先是蜀有搖黃賊之禍秦纘勳者川東石砮土司
秦良王之族也潛伏內地爲賊耳目已并其黨誘

執之不於獄。夜半殺獄卒逸去。吏請閉城大索。公曰。無張皇。擾民無益也。潛發書士司。授以方畧。土司果擒賊至。悉斷其手足指矣。吏驚以爲神。公曰。吾策之審矣。賊踰獄。必以石砭爲遁逃。數秦夫人方以勦寇効節朝廷。詎肯庇纘勳而隳功名乎。於是立決殺之。甲申正月。獻逆破夔門而入蜀中。大震。公知事迫。屢至蜀府請見。欲爲王陳守禦之策。不應。而內江王雅信公。公乃欲藉內江得之。蜀往說內江曰。人無愚智。皆知賊勢披猖。成都必及於禍。今蜀府貨財山積。不及今捐之募死士。東向殺

賊一旦豕突疆場。軍民奔逸。誰爲王守此府庫乎。愚者歛財而府禍。智者轉敗以爲功。蜀中有險可。憑有兵可戰。特患無財可用。誠不愛萬金之賞。鼓勵行閒臣等身徧行伍。效死爭先。上賴朝廷威靈。猶可埽除寇亂。保全家國。不然拱手授賊。無爲也。且獨不見周楚之已事乎。先闔逆圍大梁。周王下令斬賊一級。賞五十金。賊以是不克而去。獻逆破武昌。閱楚府私藏。笑其有財而不知用。公以是激內江。內江心動。入爲蜀王。言之王。內惜金錢。苟幸無事。以祖制辭。公見王府擁財不發。大吏握兵束。

手。一縣令才立危城。欲戰守而無虬蟬蟻子之卒。欲召募而無斗粟束芻之餉。張空拳。上下叫號而舉動掣肘。蓋至是而知事不可爲。不待城亡。罵賊之日。已自分必死矣。三月。闖逆陷京師。先帝殉社稷。六月。獻逆破重慶。殺巡撫。乘破竹之勢。鼓行而西。所過無堅壘。縱人焚掠。數百里。煙焰屬天。漏刃餘民。扶老攜幼。號哭道路。西奔者。日夜不絕。是月。成都火器局無故火。發燬廬舍。軍民死無算。人情益洶洶。疑肘腋皆賊。蜀藩始懼。悔用公言不早。甫出財佐召募。而賊已水陸薄城下矣。八月五日。御

史劉公之渤。總兵劉公佳胤乘城而守。總兵出戰。大敗奔還。賊乘勢急攻三日。城陷。蜀王率其妃嬪自沈。并總兵走死浣花溪。公與劉御史及理刑劉士斗。成都令吳繼善等俱被執。幽於大慈寺。是時賊有眾百餘萬。據名都雄視全蜀。謂天下不足定。將卽僞位。乃遣其黨卽幽所饗諸文武。欲降之。以備百官而臨以白刃。賊固屬意諸大吏也。公奮然怒。從眾中躍而起。手擲案大罵逆賊死萬段。指其口曰。有口食賊肉。耳豈食賊粟哉。公長軀雅度。至是氣憤盈。目光炯射。鬚髯戟張。揎袖指賊罵聲響。

撼廊廡出賊不意相顧錯愕奔告逆遂殺公時年四十有三兩劉公亦同日死之嗚呼公自聞警以來已決計於死而今果死矣當日法吏戎臣伏節而死者相枕籍舍生取義豈獨難一縣令然是日爲縣令而死者獨有公則公之死又似不易也夫人臣之義未有陷賊而不死者彼倖生者何人歟於是而知公爲得死所矣余曾謁公於華陽語及寇亂歎息國論之失於操縱坐使中原流離益州天府已殘燬不支而文法煩密雖有豪傑欲自奮不能國家事正未可知萬里孤臣死不知所語次

慷慨余已爲公悲之至是道路籍籍果傳沈知縣
獨死賊矣乙酉十一月義師復雅州有反正參議
郝孟旋道其事而參將鄒振從賊中來稔其死時
狀謂獻逆怒公揮眾叢刃之骨肉爲醢始得其詳
聞公妻子尙有存者余訪得之於九溪山其戚張
士偉以公之子來見僅八齡士偉爲余道公遺
孀奔走流離濱死而生且述秦繼勳事謂公臨事
曉暢機宜發策洞中疑要使當日少用其言不以
繩墨束縛之使得展布四體先事辦賊卽未能滅
賊必不至爲賊所破縱大勢不可爲亦當如趙遠

百戰殺賊少伸忠臣義士之氣惜乎其未遂也相與流涕久之士偉江南奇士有經濟才余檄之權洪雅令能畫策佐軍需不乏無何死於職未竟其用至今惜之

論曰余次序華陽公事而知守節死義之臣天之所屬意必有所以扶持於其間也方賊之斬艾蜀民襁屨仕宦數千里埽地無迹卽畏死而降者往往齟齬不遺而華陽之寡妻弱子獨能脫其身於刀塗血道之中雖提攜捍禦之有人亦天之憫其忠而不忍使之無後也天步方艱尙闕褒揚贈卹

之典。一旦皇路清燹。訪求死事孤忠。則公之食報於身後者。宜何如其俊偉乎。第恐其子語焉而不詳。士偉旣死而無所考。故傳其大節以授之。且名之曰世廕。以竢諸異日焉。

鄭醒愚曰。英氣凜然。讀之令人毛髮欲豎。

